



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ioannis Evsebii Nierembergii Madritensis Ex Societate  
lesv De Adoratione In Spiritv Et Veritate Libri Qvatvor**

**Nieremberg, Juan Eusebio**

**Antverpiæ, 1631**

Cap. XVI. De vtilitate tentationum.

[urn:nbn:de:hbz:466:1-46187](https://nbn-resolving.org/urn:nbn:de:hbz:466:1-46187)

pauca superflua, cum tibi pauca sint necessaria? Quid dico, pauca? nihil mihi nisi Deus est necesse. Gratulor, gratulor; Deus, qui non deficit, est qui mihi sufficit. Nesciebam, ô dulcis Veritas, quanta consolatio est nihil habere; imò cognoscere luce clariùs, impossibile mihi esse, quamuis ego id conarer cunctis meis viribus, quidquam præter Deum posse habere, & esse meum, sed solius Dei. At quia omnia sunt Dei, & Deus est meus, omnia sunt mea: & tunc plus mea, quando non habeo; quia tunc minùs me habent, & meliùs in Deo habeo, quàm in se haberem. Si fuisset verè humilis, nihil dolerem pro omni iacturâ rerum. Qui debet æstimare se nihil esse, quomodo potest æstimare alias res esse aliquid, quæ sunt viliores homine? Cum quis moritur, omnia sibi moriuntur: sic qui se credit nihil, totum mundum putat nihil. Omnia mortua sunt mortuo, & omnia vilia humili.

## CAPVT XVI.

*De utilitate tentationum.*

**Q**uomodo vis coronari, si non certas? quomodo certabis, si non impugnaris & tentaris? Absque hoste non est certamen, absque certamine non est victoria. Imò inhonestum



honestum & turpissimum foret, sine bello coronari, sine victoriâ triumphum agere, & vsurpare palmam non meritam: ne igitur molestè feras tentatione vexari; nam ibi est officina meritorum, & causa tuæ humilitatis. Multos, vt humiles essent, permisit Deus labi in grauissima peccata: tecum magis misericorditer se habet, permittens solum quòd tenteris. Resiste viriliter in causâ Dei: quamuis in ipso tentationis conflictu molestum sit pugnare, iucundior est victoria ex tentatione, quàm voluptas ex peccato, ad quod tentatio inclinât. Noli comparare cum molestiâ tentationis dulcedinem peccati, sed confer illud cum gaudio ex victoriâ: non compares pugnam cum voluptate, sed victoriæ fructum cum vsu vitij: experire aliquantò quid sit vincere tentationem, qui toties expertus es succumbere.

Cùm vincis, existima iterùm te pugnaturum: cùm pugnas, reputa in illâ victoriâ penitus abolendum inimicum in perpetuum, & aternâ pace fruendum. Fortasse ita partim eueniet: nam diabolus confusus, & victus, non audebit iterùm adoriri; & Deus aliquam quietem concedet, prout nouerit expedire tibi. Deus scit, quo tempore te liberare oporteat à tentatione, qui permisit illam pro bono tuo. Artifex non extrahit aurum de fornace,

nace,



nace, donec satis purgatum est: nondum satis emendatus & purificatus es, si non te liberat hac molestia. In victoria memento pugnæ, in pugna victoriae. Gaudebis perpetuò si vincas; pudebit, si vincaris: quare vilipendis conscientiae securam lætitiã & pudorem, pro futilissimã & momentaneã oblectatione? Amittimus tempus in hac vitã, dum non patimur. Non recuses molestiam repugnandi, cum molesta aliqua nequeas in hac vitã fugere. Quemcumque viuendi modum elegeris, in aliquo affigêris: melius est affigi pro virtute. Triste aliquid & aduersum vbique est; sed felix tristitia, & facilis, in causã æternæ felicitatis. Pro humanis rebus longiori tempore, maiori labore, minori fructu pugnatur. Temporalium laborum terminus, alius labor est; sæpius pœna æterna: sed hic leuis & momentaneus labor æternum gloriæ pondus operatur in te, cuius non sunt condignæ passiones huius temporis. Fertò saltem non agrè hanc tribulationem, quam optare deberes propter auaritiã gloriæ maioris, quæ crescet rigata igne isto. Quin etsi nullum præmium esset, sufficit quòd conformareris Christo. Magnã necessitate teneris ad renitendum & pugnandum: in conspectu Iudicis es; & causam diuini honoris defendis coram Angelis, & Sanctis. Potius velis millies mori, quàm se-

mel



mel vinci, & pudorem pati succumbendi. Coram Sponso tuo, & testibus Hierarchiis Spirituum beatorum, ac cœtibus Sanctorum, quomodo audebis adulterium committere?

Non potest esse quin in hac vitâ sapius turberis & teneris; quare attentus tibi sis, & cautus: licet fortissimum castellum virtutum in te ædificaueris; expecta tentationem, quia est fundatum in naturâ tuâ, cum imbecilli & caducâ infirmitate carnis. Quid interest, si fortissimi muri, & lapidea domus struatur, si ruinosum fundamentum habeat, aut in arenâ solùm sit fundata, quò minùs timeatur de securitate eius? Quid interest, quòd armatus sis, si in loco es lubrico, aut veharis vmbatico aut effreni & indomito equo? Benè potes muniri virtutibus; sed in carne es, quæ periculosior est quàm equus præceps & indocilis, & magis fluxa quàm arena, nisi gratia Dei te adiuuet. Quare generalius & præstantissimum remedium aduersus tentationem præseruatium est, deponere naturam, cum omnibus suis appetitibus, quoad possis; eradicare à te omne tuum velle, & fieri simplicem, & purum omni voluntatis propriæ sorde, sicut spiritum qui astat coram Deo: vnusquisque enim tentatur à concupiscentiâ suâ. Quando nos quærimus, inuenimus



niemus tentationem. Qui se quærit, inueniet se: & quid in te inuenies, qui miser es, nisi miseriam, turbationem, afflictionem?

## CAPVT XVII.

*Quòd oporteat timere Deum, & sperare in illo.*

**V**Ndique laqueis infidiatur inimicus; vndique pericula sunt in totâ vitâ: sed maius omnium periculum est securitas nostra; nam est omnia pericula. Quis potest esse securus in medio hostium, & vicino aut domestico inimico? quomodo tu securus potes esse, cùm tibi ipsi aduersarius sis, cùm caro tua hostis tibi sit, cùm totum mundum habeas contra te, & omnes dæmones te oderint? Si contra vnum hominem venirent decem, si contra aliquem Ducem veniret duplo maior exercitus, timeret, licet fortissimus esset: quomodo tu non formidas, cùm non minùs quàm mundus totus sit inimicus tuus, & contra te pugnet?

Debes etiam timere Deum, quia peccasti, & quia potes peccare. Quæ mulier in adulterio deprehensa, si maritus nullum verbum ei locutus fuisset de veniâ, posset non timere? tu quoque time: nam euidenter scis peccasse, & tamen nullam euidentiam nec reuelatio-

latio-